



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1735. usque ad annum 1737

Fleury, Claude

Augustæ Vindelicorum [u.a.], 1786

VD18 90119347

§. 70. Historia de Concilii Tridentini versione a P. Courayero concinnata.

[urn:nbn:de:hbz:466:1-67868](https://nbn-resolving.org/urn:nbn:de:hbz:466:1-67868)

Sæc. XVIII.
A. C. 1736.

intervallis antecellentem respiceret, al-
latis rationibus tantum effecit, ut Cardi-
nalis in Regis Regnique utilitatem obse-
quiumque ulterius suas vires & operam
impendere polliceretur; unde imperium
per manus Regis denuo traditum, nul-
lo, quod sane mireris, auctoritatis
summæ rivali, diuturna securitate ul-
que ad obitum suum tenuit. Sub idem
quoque tempus Clemens cum eo ege-
rat de instaurandis renovandisque edi-
ctis, quæ Ludovicus XIV. contra Hu-
gonotas seu Calvinistas in occulto la-
tentes tulerat.

§. LXX.

*Historia de Concilii Tridentini versio-
ne a P. Courayero concinnata.*

Hoc item anno nova tempestas in P.
Courayerum coorta est. Illius oc-
casio erat hæc: Jam priori Sæculo
Paulus Sarpus Servita Venetæ Rei-
publicæ Theologus Tridentinæ Synodi
Historiam ediderat, malignis ac per-
niciosis reflexionibus inspersam, quæ
nihilominus in varia idiomata fuit
translata: Hanc ut denuo notis illust-
ratam Gallice redderet, Wilhelmina
Carolina Magnæ Britanniæ Regina Pe-
tro Francisco Le Courayer e Galliis in
An-

Angliam profugo in mandatis dedit: Peropportuna huic Viro accidit hæc provincia; inde enim Ecclesiæ Catholicæ fundamenta, sedisque Apostolicæ auctoritatem dolosis cuniculis oppugnandi, erroresque suos palliandi occasionem nanciscebatur. Igitur Calviniana animositate calamum stimulante, intra breve temporis spatium suam versionem absolvit, eamque hoc anno Amstellodamensibus literis excusam vulgavit, præfixo hoc titulo: *Historia Concilii Tridentini a Fra Paulo Sarpi Ord. Servorum Italice conscripta, & in idioma Gallicum unacum criticis Historicis & Theologicis annotationibus illustrata a Petro Francisco le Courayer in Oxoniensi Academia Theologiæ Doctore, & Canonico Regulari, necnon Seniore Bibliothecario Abbatia S. Genovevæ Parisiensi.* Sunt qui vehementer mirantur, quod hic Versor in suis scriptis Catholici Canonici ad S. Genovevam & simul Doctoris A Catholicæ Universitatis titulum conjunxerit. Id vero, ponderata, quam sibi Courayerus præfixit, scribendi ratione, facile conciliari potest; quamvis enim pro more omnium Apostatarum Romano-Catholicæ Ecclesiæ, ejusque supremi Pastoris auctoritatem acrimodum stylo insectaretur, ubi tamen præcipua sexdecim fidei capita inter

Sæc. XVIII.
A. C. 1736.

ter

Sæc. XVIII.
A. C. 1736.

ter Catholicos & Protestantes contra
versa impugnabat, nunc cum illis, jam
cum his sentire videbatur, adeo, ut de
eo idem quod ipse de suo Sarpio censuit
æquali jure dici possit, *ipsum fuisse Ca-
tholicum in crassioribus, in minutioribus
quandoque heterodoxum.* Porro adversus
novam hanc Courayeri versionem Eri-
ditorum calami tam Parisiis, quam in
Italia strenue exercebantur; & quidem
Mense Februarii anni sequentis in So-
cietatis Collegio Parisiis habebatur pub-
lica disputatio, in qua Sarpii & Cou-
rayeri opiniones in sua Historia Tridenti-
ni, necnon in notis contentæ vehemen-
ter impugnabantur. Solemnior redde-
batur Theologicus hic confessus ex nu-
merosa præsentia Cardinalium, Archi-
episcoporum Præsulum & præcipue
Canonicorum Abbatæ ad S. Genove-
vam. Præ ceteris vero Petrus de Ten-
cin Embrodunensis Archiepiscopus po-
stea Cardinalis anno sequenti contra
spurium hunc fatum, Pastoralem ede-
dit instructionem, in qua præter alia
Courayeri effigiem his coloribus delibe-
avit: *Vir ille eodem numero habet verum
& falsam Religionem, confundit Lutheri
& Calvinii doctrinam cum illa Jesu Christi
subruit Ecclesie fundamentum & subjectio-
nem erga Ecclesiam velut insaniam deridet, hor-
rendosque errores inter tolerandas opinio-*

nes numerat, & effrænem humani intellectus licentiam tuetur; ejuravit universam Christi Ecclesiam, & in hæresis gremio asylum quæsit, ut totum suum venenum contra Christi Ecclesiam, Sacramque Sedem eo tutius evomere posset. Nec ipsis etiam Jansenistis ex integro probabatur Courayeri liber, quem Montpeffulanus, seu verius enthusiastarum factio (*) sub hoc nomine latitans, & Antissiodorensis Episcopus damnarunt, edita peculiari lucubratione post Montpeffulani obitum sub ejus nomine a Jansenistis publici juris facta: Verum horum Præsulum scripta Courayerus livido dente proscindere nitebatur, edita apologia, cui titulus: *Vindiciæ versionis novæ Concilii Tridentini contra quorundam Præsulum censuram &c.* anno 1742.

Sæc. XVIII.
A. C. 1736.

Tandem vero anno hujus sæculi quadragesimo die vigesima sexta Januarii Clemens Papa Courayeri Historiam Apostolico diplomate proscripsit, hoc tenore: „Cum in lucem prodierit quidam liber Gallico idiomate editus: cui titulus. *Histoire du Concile & Venerables*

(*) Certissimum, quod Jansenistæ confutationem Courayeriani scripti primum post obitum hujus Montpeffulani Episcopi publici juris fecerint.

Sæc. XVIII „biles autem Fratres nostri S. R. E.
 A. C. 1736. „Cardinales in tota Republica Christiana
 „na contra hæreticam pravitatem Ge-
 „nerales Inquisitores a sede Apostolica
 „specialiter deputati, audita Libri hu-
 „jusmodi Censura sibi relata, illum
 „tanquam continentem propositiones
 „falsas, temerarias, scandalosas, capi-
 „tiosas, seditiosas, alias damnatas,
 „omnibus Episcopis, Sanctæ Sedi, to-
 „tique Catholicæ Ecclesiæ injuriosas,
 „erroneas, schismaticas, ac hæreticas
 „respective, nec non ad stabiliendum
 „systema Religionis impium, & hære-
 „ticum tendentes, prohibendum &
 „damnandum esse censuerint.

„Hinc est, quod nos de memorato-
 „rum Cardinalium consilio, ac etiam
 „Motu proprio, & ex certa scientia, &
 „matura deliberatione nostris, deque
 „Apostolicæ potestatis plenitudine sup-
 „radictum Librum sub supra expresso,
 „aliove quocumque titulo, ubicumque,
 „& quocumque alio idiomate, seu qua-
 „vis editione, aut versione huc usque
 „impressum, aut in posterum, quod ab-
 „sit, imprimendum, tenore præsen-
 „tium damnamus, & reprobamus, ac
 „legi, seu retineri prohibemus, istius-
 „que Libri impressionem, descriptio-
 „nem, lectionem, retentionem, &
 „usum

„usum omnibus, & singulis Christi fi- Sæc. XVIII.
 „delibus, etiam specifica, & indivi- A.C. 1736.
 „dua mentione dignis, sub pœna Ex-
 „communicationis per contrafacientes
 „ipso facto absque alia declaratione in-
 „currenda, a qua nemo a quoquam
 „(præterquam a Nobis, seu Romano
 „Pontifice pro tempore existente) nisi
 „in mortis articulo constitutus, absolu-
 „tionis beneficium valeat obtinere,
 „omnino interdiciamus“. De cetero
 Courayerus Calviniana sua versione,
 notisque haud aliam, quam non pau-
 ci ejusmodi Cuculati transfugæ retule-
 runt, & ipse mercedem acceperat, scili-
 cet ut cum ita Protestantibus favere
 vellet, ut a Catholicis palam dissenti-
 re nollet, nec his nec illis satisfecerit,
 sed ab omnibus tanquam hypocrita,
 vel idiota, & Calvinianæ simulque Ca-
 tholicæ doctrinæ systema ignorans de-
 rideretur. Denique anno Christi supra
 millesimum septingentesimo quadrage-
 simo sexto Sacræ Inquisitionis Roma-
 næ Congregatio die septima Octobris
 pariter Courayeri Vindicias atro styg-
 mate notavit.

§. LXXI.

*Diversæ summi Pontificis Constitutio-
 nes & decreta.*

Hist. Eccles. Tom. LXXV. Z In-